

rs
cu
ul
e-
s:
ni
e-
ā-
se
ét
es
se
i-
e-
ar
r-
le
de
a-
a-
n
i-
u
l-
re
en

moyennant les principes de la premiere cause
ont attainct à plus profondes abysses de plus
haute doctrine .Mais à celle fin, mon filz, que
ie ne vague trop profondement pour la capa-
cité future de ton sens, & aussi que ie trouue
que les lettres feront si grāde & incomparable
iacture, que ie treuve le monde auant l'vniuer
selle conflagration aduenir tant de deluges &
si hautes inundations, qu'il ne sera gueres ter-
roir qui ne soit couuert d'eau: & sera par si
lōg temps que hors mis enographies & topo-
graphies, que le tout ne soit peri: aussi auant tel
les & apres inundations, en plusieurs contrées
les pluies seront si exigues, & tombera du ciel
si grande abondance de feu, & de pierres can-
dentes, que ni demourra rien qu'il ne soit con-
summé: & ceci auenir, & en brief, & auant la
derniere cōflagration. Car encores que la pla-
nette de Mars paracheue son siecle, & à la fin
de son dernier periode, si le reprendra il: mais
assemblés les vns en Aquarius par plusieurs an-
nées, les autres en Cancer par plus longues &
continues. Et maintenāt que sommes cōduicts
par la lune, moyennant la totale puissance de
Dieu eternal, que auant qu'elle aye paracheué

B iij